



**ALIJA
IZETBEGOVIĆ**
M U Z E J

Broj40-01-568/24.g.
Sarajevo, 19.12.2024.g.

Na osnovu člana 48. Pravila Javne ustanove Muzej „Alija Izetbegović“ broj 40-02-08/18 od 08.02.2018.g., direktorica JU Muzej „Alija Izetbegović“ dana 19.12.2024.g. donosi

P R A V I L N I K
O OBJAVI I PROVEDBI KONKURSA ZA NAJBOLJE LITERARNE RADOVE
JU Muzej „Alija Izetbegović“

Član 1.

Ovim Pravilnikom uređuje se postupak objave, provedbe i odabira najboljih literarnih radova učenika osnovnih i srednjih škola sa područja Bosne i Hercegovine na zadate teme kojima se želi pridonijeti čuvanju sjećanja te razvijanju osjećaja i poštovanja prema državi, njenoj historiji i kulturnom naslijeđu Bosne i Hercegovine.

Ciljevi konkursa su:

- podrška nastavi historije i općenito nacionalne grupe predmeta,
- dopuna informacija iz savremene historije Bosne i Hercegovine u udžbenicima za osnovnu i srednju školu,
- edukativni i odgojni principi (motivacija, edukacija, podsticanje kritičkog mišljenja, njegovanje pozitivnih moralnih vrijednosti, takmičarski duh, timski rad, predstavljanje, javni nastupi, druženje, upoznavanje učenika iz raznih krajeve domovine)

Navedeni ciljevi podrazumijevaju:

- uključivanje velikog broja škola i učenika
- konkurs kao dugoročni, višedecenijski projekat
- precizni kriteriji za odabir najboljih literarnih radova

Član 2.

Svi izrazi koji se koriste u tekstu ovog Pravilnika, a imaju rodno značenje, obuhvaćaju na jednak način i muški i ženski rod.

JU MUZEJ „ALIJA IZETBEGOVIĆ“

ul. Evlije Čelebije bb, 71000 Sarajevo;

Tel.: ++ 387 33 574 271; Fax: ++ 387 33 574 272

E-mail: muzejalijaizetbegovic1@gmail.com; www.muzejalijaizetbegovic.ba



**ALIJA
IZETBEGOVIĆ**
M U Z E J

Član 3.

Konkurs za najbolje literarne radove koji provodi Muzej objavljuje se i održava jednom godišnje. Konkurs se otvara javnom objavom i pozivom učenicima osnovnih i srednjih škola za prijavu literarnih radova.

Javni poziv se objavljuje na web stranici Muzeja, na društvenim mrežama radi pristupačnosti učenicima, te po potrebi i izuzetno u dnevnim novinama.

Član 4.

Direktor Muzeja donosi odluku o objavi i provedbi konkursa.

Javni poziv se objavljuje najmanje 15 dana prije njegovog zatvaranja i konačnog izbora radova od strane Komisije.

Član 5.

Javni poziv za prijavu na konkurs za najbolje literarne radove sadrži:

- rok do kojega zainteresovani mogu prijaviti svoje radove,
- tri zadate teme za učenike osnovnih škola,
- tri zadate teme za učenike srednjih škola,
- određene novčane nagrade za najbolje radove, za prva tri mjesta, za učenike osnovnih škola,
- određene novčane nagrade za najbolje radove, za prva tri mjesta, za učenike srednjih škola,
- adrese Muzeja na koje se literarni radovi trebaju poslati,
- kontakt telefon za informacije vezane za konkurs.

Tekst Javnog poziva sadrži i odredbu da JU Muzej „Alija Izetbegović“ zadržava pravo cjelokupnog ili djelimičnog objavljivanja prispjelih literarnih radova uz navođenje imena autora.

Član 6.

Direktor Muzeja svojom odlukom imenuje tročlanu Komisiju JU Muzej „Alija Izetbegović“ za izbor najboljih literarnih radova osnovnih i srednjih škola odnosno predsjednika Komisije i dva člana.

Naknadu za rad Komisije određuje direktor posebnom odlukom.

Zadatak Komisije jeste razmatranje prijave, provođenje konkursa i izbor najboljih literarnih radova učenika osnovnih i srednjih škola prema određenim kriterijima.

JU MUZEJ „ALIJA IZETBEGOVIĆ“

ul. Evlije Čelebije bb, 71000 Sarajevo;

Tel.: ++ 387 33 574 271; Fax: ++ 387 33 574 272

E-mail: muzejalijazetbegovic1@gmail.com; www.muzejalijazetbegovic.ba



ALIJA
IZETBEGOVIĆ
M U Z E J

Komisija ima pravo ne uvrstiti u konkurenciju prijave koje ne odgovaraju uslovima konkursa.

Član 7.

Kriterij za odabir najboljih literarnih radova.

1. Od prijavljenih radova za konkurs, biraju se nagrađeni i pohvaljeni – odvojeno za osnovne i za srednje škole. Bira se prvo, drugo i treće mjesto za osnovne škole i sedam radova je među pohvaljenim (koji nisu rangirani nego su navedeni po abecednom redu)
 - a) Teme za konkurs predlažu članovi komisije prema sljedećem:
 - a) za osnovne škole: jedna tema da bude o zavičaju, školi, prijateljstvu; druga tema o domovini, patriotizmu, Armiji Bosne i Hercegovine; treća tema – citat iz djela ili govora Alije Izetbegovića.
 - b) za srednje škole: jedna tema o idejama za budućnost BiH, druga tema kritički osvrt na aktualna dešavanja u Bosni i Hercegovini, i treća teme vezane za agresiju na Bosnu i Hercegovinu.
2. Komisija radi u tročlanom sastavu i svaki član za sebe izdvoji 1/3 radova iz kojih izdvaja prva tri mjesta i pohvaljene radove – ocjenjujući ih od 1 do 10. Nakon individualnih bodovanja, bodovi se zbrajaju i pravi se lista najbolje rangiranih – tri nagrađena i sedam pohvaljenih (odvojeno za osnovne i srednje škole).
3. Rad treba da bude u skladu sa jednom od tri ponuđene teme.
4. Nagrađeni autori iz osnovnih i srednjih škola za prva tri mjesta treba da budu iz različitih gradova. Ukoliko su dva ili više radova među najboljim iz istog kraja, uz to zadovoljavaju kriterije za određeno mjesto, odabran će biti onaj sa najviše bodova prema zbiru bodova članova komisije, a ostali će biti među pohvaljenim.
5. Izbor nagrađenih i pohvaljenih radova za osnovnu školu treba posebno pažljivo birati:
 - a) U konkurenciji su djeca uzrasta od 7 do 15 godina
 - b) Među nagrađenim učenicima treba biti jedan autor nižeg osnovnog uzrasta.
 - c) Među pohvaljenim učenicima, treba biti bar tri autora iz nižeg osnovnog uzrasta.
6. Među nagrađenim i pohvaljenim radovima trebalo bi da budu i različite teme. To znači: ako budu dva ili više radova zadovoljavali kriterije za prvo, drugo ili treće mjesto (prema zbiru bodova), odabran će biti onaj koji ima temu koja nije među nagrađenim (ili pohvaljenim) – jer je često neka tema više birana od drugih.
7. Ocjenjuje si lični stav autora, kontekst, struktura i kritičko mišljenje, što se očekuje prema uzrastu učenika.

JU MUZEJ „ALIJA IZETBEGOVIĆ“

ul. Evlije Čelebije bb, 71000 Sarajevo;

Tel.: ++ 387 33 574 271; Fax: ++ 387 33 574 272

E-mail: muzejalijazetbegovic1@gmail.com; www.muzejalijazetbegovic.ba



**ALIJA
IZETBEGOVIĆ**
M U Z E J

Član 8.

O rezultatima konkursa zainteresovani će biti obaviješteni javnom objavom rezultata, a učenici koji su ostvarili najbolji uspjeh i čiji su radovi odabrani među tri najbolja obavještavaju se lično odnosno putem škole koju pohađaju.

Član 9.

Ovaj pravilnik stupa na snagu danom donošenja.

Direktorica
JU Muzej „Alija Izetbegović“
Šejla Cakić Rizvanović



JU MUZEJ „ALIJA IZETBEGOVIĆ“

ul. Evlije Čelebije bb, 71000 Sarajevo;

Tel.: ++ 387 33 574 271; Fax: ++ 387 33 574 272

E-mail: muzejalijaizetbegovic1@gmail.com; www.muzejalijaizetbegovic.ba